

JK
121,
12.

X 19033 14

In
3084

GLORIAM ET FELICITATEM
ELECTORALIS AC DUCALIS DOMUS
BRUNSVICO-LUNEBURGICÆ, HANNO-
VERAN. LINEÆ POTISS.

ORATIONE PANEGYRICA
GRATULATORIA,

In Inclutæ ad Albim Acad. Wittenbergensis
Templo O. SS. ad Arcem,

Solenni ritu piè profecutus est,

Novembris Die XII. A. CHR.

clō lōc XCIII.

GARLEF Meurer /
Hamb.



WITTENBERGÆ, Prelo GODERITSCHIANO.



xi per Germaniam, ad Italos *Romamq;*, Caput Urbium, & nî fallor, Orbis, propter antiquissimos à Romulo jam Reges, & potissimum Imperatores, inuisendum, & peracta nondum sollemnissimæ Inaugurationis pompa, (quam Decembri reservabat mensi Cæsar Augustissimus,) effecerant, ut hodierna demum Lux religionis debitum à me exigeret. SATORI ac STATORI RERUM DEO GRATIÆ SOLVANTUR SEMPITERNÆ! QVOD INCOLUMEM SALVUMQVE DIEM REDDIDIT NATALEM SEXAGESIMUM & V^{tum} ENTHEO HEROI! GAUDE DUCUM SERENISSIME! SERENO SIDERE RELUXIT DOMUI ELECTORALI TUÆ, ATQVE ILLUCESCAT DIU FELIX GENIALE FESTUM! DEVOTISSIME CONCEPTIS EXOPTAMUS PRECIBUS! Sed quò me vertam prius? aut à quo exordiar? haud parùm ambigo; dum dicendorum obruor nunc multitudine. An primùm gratuler de restituta cœlitus quiete, quam infidiarum mille artifex

ab

ab Occidente turbidis miscere nubibus, in fulmina jam erumpentibus, ad *Raceburgum*, nitebatur, speciosi nominis Legato †? An ex-^{†Bonrepos} ultem potius, ob reversum cum Coniuge Excellentissima, ereptum præsentissimo periculo, Augustalem Principem Hæredē, **AUGUSTI** Patris Filium? An verò gratulatum veniam submissus cliens, quòd sub exitum elapsi anni proximi Magnanimus Piissimusqve Imperator **LEOPOLDUS** (quem Imperio perenni-prospero abundè cumulet Divina bonitas!) Electoralis dignitatis axiomata, cum Regibus æquviparanda, Domui Tuæ antiquissimæ, illorum, à tot seculorum lapsu, conscia, tot inter studia contradicentium solenni ritu contulit Vindobonæ? An deniqve cum gratiarum actione humili ad Vestra, **FRA-TRES PRINCIPES HEROES**, Palatina limina adrepam? quòd immensis Patrem meum olim dilectissimum beare beneficiis clementer voluistis? Tu, imprimis Serenissime **GEORGI GUILIELME**, Ducum Primogenite, fecisti, ut, quâ erat, pro Auctoritate

Cæsaris Familiæq̄ve Luneburgicæ Augustioris, proq̄ve libertate Reipublicæ Hamburgensis, non imaginaria hâctamen, fide, magnis liberatus discriminibus, Honoribus amplissimis, ab integro conciliatus suis, ornaretur. Tacitâ nimirum veneratione plurima prætervehi in præsens cogor; ne verbòrum copiâ incurram reprehensionem. Neve tamen omnis conticescam, id pro viribus elaborabo, ut ingrati hominis memoriam amoliar, & Principali gratiæ submittam servulus Orationem. Sive enim Fati ordines remetior, seu conspirantium tot invidorum flabra, minitantiâ extrema quævis, æstimo, solertiam ac sapientiam admiror Numinis. Rex Galliarum hostis cum communi barbarorum, id est, Muhammedica colluvie Imperii Romani juratissimus, & (si permitteret divina providentia,) everfor, quid non ausus est huc usq̄, ut involveret ruinis, ignibus ac cædibus impleret regiones, urbes, oppida, vicosq̄? Quæ non machinatus est consilia, Oratoribus in *Sveciam, Daniamq̄ & Poloniam* emisissis (ne de
 plu-

pluribus ad Aulam *Ottomannicam*, ad *Mauros*, *Tartaros*, *maritimos prædones* dudum amandatis, dicam;) ut, *flectere si nequeat Superos*, *Acheronta moveret*; ut misceret coelum terræ (cùm spes univèrsa ad Imperium, quod spe jamdudum devorabat, decollaverit,) ut *Austriæ Archiducalis* florem, veluti *Tarquinius* papavera, demeteret. Ut primùm certis nuntiis accepit, pacta inter Caput & Ducalis *Luneburgo-Brunsvicensis* Domûs membra potentissima coalescentia, in mutuum æterni foederis consensum, clam, palam, prorupit in furoris ultimi excessum. Per superiorem *Rhenum* numerosi militis exercitum *Germaniæ* induxit *Paradiso*, *Sveviæ*, *Palatinatui*, agroqve *Wûrtembergico*; foedisimâ proditione intercepti, quid? horribili incendio delevit *Heidelbergam*; piis *Electorum* manibus permisit violentas (Dei hominumqve fidem!) manûs, contra jura *Gentium*, inferri; ultra rapidum *Danubium*, si potuisset, progressurus, meditullio *Bavariæ* victricia illaturus signa; quæ (cùm quidem non merue-

B

rat,

rat, suffragiis adversus Cæsarem & Collegas aliquot Potentiores, latis,) hodiè *Coloniensi* atqve *Trevirensi* ditionibus minatur. Intellegitis, opinor, Auditores, Omn. Ord. Honoratissimi, quàm lata differendi spatia se mihi offerant. Conabor nihilominus, in gloriam & gratulationem potius excurrere ELECTORALIS Domus Potentissimæ, duosqve unà venerabor FRATRES Serenissimos, si vestram, RECTOR MAGN. Excellentissime Provinciæ Electoralis Præses, Per-illustres, & Generosissimi Liberi Barones, vosqve, Patres item, Hospites Civesqve Academici, in auscultando patientiam decenter exoravero. Quod præsens ætas audiat, posteritas non deterat oblivione, imò obstupescat, agitur de libertate non Germaniæ solius, sed Europæ Christianæ, tot prætereà in hâc Regnorum, regionum atqve Rerumpubl. gloria salute, aris deniqve & focis; quibus fuerit hætenus tot inter bella, tot discrimina, tot clades, natus & servatus, ad perniciem Christiani sanguinis, ad infidelium, Turcarum inquam, Tartarorum-

tarorum, Arabum, Æthiopum amplificatio-
nem & concordiam ubiqve propagandam,
Galliarum Rex, omnium Imperator scilicet
perpetuus, & Triumphator invictissimus.
Creditis me ludere, ac loqui per ænigmata,
vel paradoxa, Auditores Venerandi? Nuper
admodum Lutetia Parisiorum retulit hoc
monstri. Missus etenim à Rege suo ad Monar-
cham barbarum Mauritaniae Legatus, ab O-
lone divo dictus, idiomate Hispanico, ut jus-
sus fuerat, Oratione habitâ affatus *Maroc-*
canum Cæsarem Regemqve *Fesse*, *Moulam*
Ismaelem est: se dignum solo nomine æsti-
matum, des **Durchlauchtigsten / Höchst-**
vortrefflichen / Großmächtigsten / Un-
überwindlichsten (sufficere hæc possent ha-
Etenus, pro altero quodam *Sanberib*, aut
Nabuchodnosare. Sed audiamus porro: alle-
zeit Siegprangenden und Allerheiligsten/
Ludwig des XIV. Kaisers von Frankreich
und König von Navarra, ältesten Sohnes
der Kirchen/ Beschirmer des Glaubens / Be-
schützer

schützer derer Könige und Souverainen Überwinder in Europa. Audi superbissimorum osor DEUS! Audi Imperator Optime Piissimeqve LEOPOLDE! Reges Invictissimi Europæ Christianæ reliqui, audite, ac Vos libertatis vestræ vindices, Republicæ potentiores! Intelligitis nimirum accuratè, quo se loco, quo Vos omnes ducat *Hannibal* Occidentalis. Non è trivio Scriptores Gallici, *Blondellus & Auberius* rhetoricati splendide de sui, i. e. Gallici Imperatoris, axiome fuerunt olim, iniquissimi Imperio Romano momi; supra Reges universos Francicum tollentes. Proëdriam LUDOVICI XIV Europæ omnibus antetulit Principibus, *Keuchenius Robertus*, Doctor quondam ac Jureconsultus Amstelodamensis, in Heroicis carminibus & Triumphante Gallia. Sic assentator nempe cecinit, donatus ob id torqve aureo:

*Ac Tu, Sol Proavum, Sol Illustrissime Regni,
Sol Gallis exorte tuis, super omnia regnas
Imperia!*

- - - *Hinc turmis latè Mars Liliger
instat Au-*

*Austriadum; dum miles acer labefacta
ferocis*

*Colla Aquilæ contundat ovans, & sternat ad
unum*

*Fæderis osorem Hesperium, pavidosque Gy-
gantas.*

Post Inscriptionem insolentis operis sequen-
tem:

**LUDOVICI. XIV. Christianif-
simi. Galliarum. Regis. Triumphatoris. Pii. Felicis. Augusti. Fractis. Debellatisque. Regnis. Ac. Imperiis. Univerſâ. Victoricibus. Armis. Conſopitâ. Europâ. Æviterne. Memoria. Sacrum.**

Subjicit, non citra apotheosin:

Summe Deum, Ludovice Pater, Rex Maxime Regum!

Manum Domini osculaturus inquit:

*- - - Dextramque verendam,
Quâ pavet & vastus membris tremit omni-
bus Orbis,*

C

Con-

*Contingo, Ludovice, tuam, Generosa potentis
Tessera Terrarum Domini, qui sceptrum per
omnes*

*Imperii tractus, & vasti concava Mundi,
Eminus ostendit. - - -*

Piget, quæ *Palladius* in bullis suis, aut ampul-
lis arroganter & ad genium Monarchæ Galli-
cani scripsit, pluribus referre. Neve quis ex-
cipiat, privatâ hæc, non Regiâ autoritate e-
venisse; sciat is, non integra elapsa tria lustra
esse, cum in Arcu Triumphali, ad Antonia-
nam Portam, hæc *Parisiis* Inscriptio promul-
garetur:

LUDOVICUS MAGNUS.

Cui simul omnia, quæ vixuni, sin-
gula contigere:

Ortus propè divinus,

Coæva Regno Victoria,

Prompti, devotissimi Ministri, &
fideles;

Fiscus integer, bella iusta, fortuna
constans. Fra-

Fractis unà Batavis, perdomitis
Hispanis,

Debellatis Germanis, represfis
Anglis,

Bello toti Europæ illato, vel o-
stentato.

Pace tantùm, quàm voluit, lege
fancitâ.

Triumphalem Arcum erexit &c.

Nescio, an à solo, cujus nomen gerit, purpurato
Fevilladio erectus, ante hoc octennium Co-
lossus, cum Emblematum miraculis? an ap-
probanti (certè præmiis ornanti) Domino sit
imputandus? In quo Aquilæ à GALLI pedi-
bus (proh Dei immortalis fidem!) conculca-
tæ, inter compedes servosqve repræsentaban-
tur. Ante lustri spatium, post expugnatam
Philippopolin, Europæ Victor, sub figura Mar-
tis coronatus, dexterâ in manu gladium evagi-
natum, alterâ compedibus revinctum Rhe-
num gerens, vicinamqve Aquilam perterrefa-
ctam

etiam fugans, inter Lilia Laurosque, & ligatos
lemniscatis quercubus Delphinos, inter pom-
pæ fercula, Lutetiæ, ad stuporem usque publi-
catus est. Quid superest, quàm ut exclamet
Roscius, applausum canens:

*Sphynxque & Harpyjas Serpentigerosque Gi-
gantes,*

Centimanumque Gygen, Semibovemque Virum?
Dies me deficeret, si plura alia conquirerem
elogia fastidiosa atque fastuosa. Erit tempus,
quo vix habitura fidem est posteritas, hæc to-
lerari potuisse à Principibus Europæ Christia-
næ maximis. In viridi si fiunt talia, quid non
de aridis concipiendum? Si Piissimus Inviētis-
simusque Imperator cogitur hæc experiri, in-
audita facta, dicta, ficta, quid non reliqui pro-
mittent sibi Principes supremi? Non profecto
tolerare amplius extremas has injurias blasphe-
miasque potuit *Imperio & Cesari fidissima Du-
calis Brunsvicensium Luneburgensiumque Do-
mus, maximè Hannoverana*. Hæc enim, uti
universa jam à plurimis hinc annis contra Tur-
cicum furorem, *Venetis*, deinde ipsi in Hunga-
ria,

ria, temporibus diversis oppugnato Cæsari, adversus barbaros, opem operamque præstitit insignem; sic potissimum ostendit virium suarum robur, ante annos duodeviginti in Augusta Trevirorum expugnanda, & adversus Ducem *Cregvium*, recuperanda, multis hostium millibus deletis. Totâ trepidatum est Germaniâ, cum ruptis perfidè induciis, terribile Pannoniis inferret bellum Thracius Tyrannus, impetuque gravi ac celeritate patriam à finibus tentaret, Urbem augustissimam occupaturus, nisi Cæsaris amore & periculo ut foederati plures, sic & *Saxones* tulissent opem. Festinabant hostes, castra metabantur, stationes disponebant; alii aliis devictis, integrique fatigatis succedebant; nec paulatim atque lentè trahebatur res, sed acriter & subito provolvebatur: muros, vallum, ædes quatiebant fulminantes machinæ, & nullum respirandi spatium obsessis dabant. Nec Urbi uni, aut Regno, sed Imperio pulcherrimo Germaniæque universæ, ipsi etiam divino coetui, religioni, libertati, literis exitium moliebantur barbari. Venerunt Saxo-

D

nes,

nes, primusq̄ve cum exercitu ELECTOR ad-
 volabat valido, victoricia ostentabat signa Scy-
 this, pro honore Christiani nominis dimica-
 turus: socii Poloni copiis ingentibus instabant
 aciei, jam tūm ferè inclinatae, ac opima refere-
 bant spolia. Tūm proelium memorabile con-
 filia pervertit hostium, & barbarum furorem
 fregit; quando tale editum est fortitudinis e-
 xemplum, quod oblivione nullā unquā de-
 leatur. Servitus depulsa, & ambitio repressa,
 quæ gigantes ad injusta concitavit arma. Nihil
 ampliùs tam credebatur arduum, quin Saxones
 tentandum sibi ducerent. Victoriā diei hu-
 jus multæ aliæ sunt insecutæ postea: nunc proe-
 liis, nunc expugnationibus locorum & præsi-
 diorum munitissimorum: *Neowarii*, validissi-
 mi castelli, tot exaggeratis molibus & propu-
 gnaculis superbi, occupatam restitutionem vir-
 tuti debet Luneburgicæ Hungaria à Turcis li-
 berata. Plures ibi expeditiones tacitè præter-
 vehor. Si grata meritorum recordatione ho-
 mines sunt defuturi, propter gesta alibi loco-
 rum, montes ipsos, campos, castra, arces, ur-
 bes

bes, oppida, pro testibus adducere liceret, quorum in vicinia & plagis tot virorum fortium facinora præclara existant, quot vestigia exercitus occurrunt. Ipsa testimoniorum affatim suppeditare possunt Flumina; bicornis *Rhenus*, *Mosa*, *Scaldis*, *Isala*, *Visurgis*, *Albis*, *Viadrus*, amœnus *Mœnus*, & *Danubius*; ne plures memorem. Nec intra limites Germaniæ duntaxat *Luneburgicus* Mars claudi poterat, cum peregrinaretur ultra maria, & immittebat legiones Græciæ. Hinc expugnata, Saxonum virtute, *Calamata*, nobile emporium, tum incolis præsidioqve potens. *Peloponnesi* re ac nomine *Corona* inter urbes princeps, horum etiam est armis domita. Dux ipse *Brunsvicensis*, primus inter ordines laudatus Italorum, volitavit victor. Formidata omnibus & diu habita invicta Castra Græciæ, *Lepantus* & *Patrassus*, ductu ac auspiciis Archithalasi quidem, *Morosinii*, auxilio Herois tamen *Königsmarckii*, & Leonis *Luneburgici*, tentata masculè ac superata. Dispensabat munera Excellentissimus Senatus Venetus, nec non apophore-

ta, erigebat statuas, inscriptiones adornari procurabat; nihil omittebat gratiarum erga benè meritos. Nec finis prosperi successûs; brevi enim & *Malvasia Neapolitana*, Romaniaëqve altera Saxonibus ac Brunsvicensibus victoriis invita offerebat palmas. Hæc adversus barbaros, in longè disitis provinciis *Hannoveranus Mars*; quid verò non, pro Christiani nominis defensione, in Pannoniis, huc usq; contulit ad summam? tot submissis Legionibus ac supplementis. Magna res omninò hæc, & quæ propemodùm divini aliquid exposcat. Jam uberrima se porrò laudum seges offert, si ad Occidentem Solem convertamus oculos. Quis nescit, quot quantasqve militares copias adversus Gallicos assultûs, variis in regionibus, pro finibus Germaniæ tutandis, opposuerit potentior hæc Domus? Neque tamen quicquam adhuc memoravi, ex Familia eadem duos florentissimæ virtutis ætatisqve Principes, pro Christiani nominis honore, pro Austriaca salute, sanguinem vitamqve fortiter pugnando impendisse. Quot ingentium curarum Ad-

mi-

ministri in Comitibus Imperii, pro libertate Patriæ, pro dignitate ordinum, steterunt & pugnarunt acriter. Habuit profectò, habuit non Imperator solus Inviictissimus, sed Electorum quoque Curia suprema causas oppidò gravissimas, cur præmia decerneret, cur arctiori obligaret vinculo, per tot miracula gestorum magnificentissimorum, Luneburgicos Heroes. Ne fluctuaret in perpetuum & discriminibus objiceretur præsentissimis, complexa charitates omnes, Patria, providit solertissimè pro sapientiæ abyssò Cæsar Optimus, ut ad duraturi foederis religionem efficaciter ERNESTUS Dux AUGUSTUS traheretur. Eant nunc, & regerant, qui salutem patriæ in contradictionis ponunt studio, non sine ingrati animi memoria, non sine Majestatis læsione gravi, rem intolerabilem Imperio adductam, contra Ordinum, Legumque Sanctitatem actum, contra jura Principum Imperii, per præceps, illaudabile, illicitum, consilium, ad fidei Catholicæ (h. e. Romano-Pontificiæ) oppressionem, Domui Hannoveravo-Brunsvicensi, collatam Eminent-

E

nen-

nentiam Electoralem esse. Absit, absit, tam à
 veritate omni aliena posse cadere in pietatem
 & justitiam Imperatoris Optimi; qui quâ mode-
 ratione semper temperavit cardines Imperii;
 sic violenter, quantum equidem in sua situm
 æquitate est, admisit nihil hætenus. Si quid
 admissum videatur, pertinet ad jura ejus, perti-
 net ad Reservata. Agant indulgentiæ Cle-
 mentissimæ Illius gratias hoc nomine, quòd
 cum propriam potuisset inter Pares Curia hanc
 continere Majestatis vim, significationem ta-
 men hujus fecerit communem in Comitibus, E-
 lectioni Romanorum Regis, triennio abhinc
 superiore, destinatis: Non fecisset illud, non
 tulisset talia irreverenter de se dici *Sigismundus*
 Imperator. Liceat, quod constitutionibus in-
 feruit Imperialibus *Goldastus*, & jam inculca-
 tum alibi occurrit, huc referre. Accusatus an-
 te hos ducentos sexaginta annos, ab ERICO
 DUCE LAUENBURGICO, periculosè atq;
 inconvenienter ad Concilium *Basileense*, quòd
 Saxoniae septemviratu ac Imperiali ense me-
 ritissimo inauguratus esset FRIDERICUS
 Bel-

(Tom. 3.
 fol. 441.)

Bellicosus, MARCHIO MISNENSIS, memorabile reliquit, ad posteritatem omnem pertinens, responsum, testibus Imperatoriis, auctoritatem summam arguentibus, Tabellis *Ulmae* exaratis, Anno Millesimo quadringentesimo trigesimo quarto. *Cum itaque* (hæc verba sunt Augusti Cæsaris) *officium ac jus a Nobis & Imperio nostro in feudum descendant, ac secundum juris communis dispositionem, nec non usum, morem, stylum, & consuetudinem S. Romani Imperii feudalis contentio per Dominum Feudi ac Pares Curia terminanda sit; Liqvet, hanc questionem, si quæ prætendi poterit, ad Nostram, & Illustrium Archi-Principum Nostrorum, S. Romani Imperii Electorum pertinere notionem. Pretium fortassis operæ facturum sum, si ex Goldasto referam Imperatoris verba, Augustissimo prolata ore animoque: Mentibus vestris firmiter inculcare volumus, & in thesauro memoriae vestrae reponi tenacius, & nihilominus per organa vestra, in omni Orbe diffundi, quò liquidius cunctis innotescere queat, causam huiusmodi ad Nostrum & Parium Nostræ Curia, respectu ipsius, Feudi,*

E 2

exa-

examen pertinere. Firmiter inculcat Imperator mentibus, & in memoriæ Ordinum Imperii thesaurum iudicat reponi, & per Orbem omnem habitabilem diffundi; ut liquidius innotescat, causam istiusmodi ad se, & Pares Curiaë (qui verò illi sunt, præterquàm Electores ipsi?) pertinere. Quidni potius pertineat ad Collegas Electores consultatio, Collegæ novi adoptandi? Velut etiam ad Principes Imperii, novellum Principem recipiendi. Neu verò aliquis causetur isto adhuc seculò non alligatos Cæsares Septemvirali sanctioni (quam *Capitulationem* vulgò nominant) fuisse; Ostendant, doceant contradicentes, quæ lex publica Imperii, corroborata sacramento fidei, quod Pacis Instrumentum, adimat Imperatori & Collegio Electorum Augustali potestatem, si necessitas, & salus patriæ (suprema lex) potissimum requirat, nullum reliquis adiungere in posterum Collegam? Confunduntur diversissima, quæ à nonnullis allegari solent sine omnium Imperii totius Ordinum consensu, quæ gavisa per tot seculorum seriem Electorali dignitate fuit,

fuit, Domus Palatina, axiomate ac ditionibus simul non debuit, nec voluit privari penitus, ac in perpetuum, aut sine horum approbatione, novus & Octavus, Capite membrisque Principalibus, quantumvis à posteriori plenè demum suffragantibus, non introduci potuit Elector. Prius actitatum in Panegyri (sed non Comitibus Imperialibus,) tot Legatorum legimus. Posteritas mirabitur, hæc dici speciosè, imò credi potuisse à quibusdam Sapientibus, inductis odio invidiaque contra benè meritos, imprimis Evangelicæ Confessionis Principes, rem inauditam Orbi & intolerabilem, Ordinibus professis libertatem, in Imperio patratam. Videant, ne Numinis irritent patientiam, his ad discordiam, hoc turbulento tempore, sententiis vulgatis! Videant, quo futuri, aut præsentis, jam tum loco haberentur, si, quod unicè optabat, etiam obtinuisset, Rex Magnus, Ludovicus, ut Coronæ Gallicæ Imperium annexum, vel obnoxium Romanum esset, Austriarum inclytâ familiâ deletâ; quod averrucasit in perenne Deus! Illa certè cudebatur faba,

F

ba,

ba, ut exuvia, Leone nondum victo, inter
 Christiani nominis osorem, alterumque defen-
 forem scilicet supremum, partirentur, & Ger-
 mania Gallorum atque barbarorum fieret ap-
 pendix; cum obsidione pressa, ante hoc decen-
 nium, Vienna est. Agamus Numini benigno
 immortales gratias, quod Capiti, quod univer-
 so Corpori, ac Imperio Germanorum Sacra-
 tissimo, potenti manu adfuit, & contra mille ma-
 chinationes aderit in posterum! Inspiret idem
 singulis Ordinibus communem animorum o-
 mnium consensum! ut concordia res nostra,
 toties quassata, aut amissa, crescant; & expe-
 riantur hostes, Deo adhuc curae afflictissimos
 Germanos esse. Cumque in praeteriti doloris
 recordatione aequiorem esse deat, precamur
 omnibus, a bonitate Principum nostrorum a-
 lienis, prosperos, pro Dei gloria, salute
 Patriae cujuslibet, successus; ut efficiant,
 ne tam immodice, quod fecit hactenus,
 triumphet incubus Germaniae Rex Gallus, &
 intemperanter porro se effundat! Denique hoc
 unum mihi superest, & me religio loci hujus ad-
 mo-

monet, ut gratias MAGNIFICO RECTORI, Circ.
Electoralis Præsidi Excellentissimo, Perillustri-
bus Generosisqve LL. Baronibus, Patribus
deinde Academicis Conscriptis, Auditoribusq;
Honoratissimis in universon agam, pro hoc
beneficio, aut officio, in me collato. Providen-
tiam Coelestem supplex veneror ac oro, ut, quæ
vota exaudivit, pro felicitate Domûs Potentis-
simæ HANNOVERANÆ, audiat non minùs,
quæ pro incolumitate ejus nuncupo jam, pari
pietatis studio.

TUERE. GRATIAM. TUERE. GLORIAM.
PERENNEM. HANC.
O GLORIOSE. DEUS. GRATIOSE
LEOPOLDE.
CÆSAR. DEO. PROXIME.
QVI. TE. PRÆSIDEM
TOTIUS. DECLARASTI. OPERIS.
CONSTANTER. ADSERE.
NONAMPLA. AUT. AMBITIOSA. VOTA.
SERVULUS CONCIPIO.
IMPERIO. SECURITATEM.
PRINCIPUM. SALUTEM. PRECOR.
DIXI.

xi per Ger
 Urbium, &
 fimos à Ro
 peratores
 solennisim
 Decembri
 fimus,) eff
 religionis
 ac STATO
 SOLVAN
 INCOLU
 REDDID
 MUM &
 GAUDE
 RENO SI
 CTORAI
 SCAT DI
 DEVOTIS
 MUS PRE
 us? aut à
 go; dum d



omamq, Caput
 propter antiqvis
 potissimum Im
 eracta nondum
 pompa, (quam
 Cæsar Augustis
 na demum Lux
 geret. SATORI
 O GRATIÆ
 NÆ! QVOD
 QVE DIEM
 SEXAGESI
 O HEROI!
 NISSIME! SE
 DOMUI ELE
 VE ILLUCE
 LE FESTUM!
 TIS EXOPTA
 me vertam pri
 d parum ambi
 nunc multitu

dine. An primùm gratuler de restituta coe
 litus quiete, quam infidiarum mille artifex
 ab

